

19 Nok notyake ne rodiyadadokenghdy yaghne enskat dekhakenh, ne ok neh *James* ne Royaner yadadekenhah.

20 Nonwa ne ji-nikarihodense ji-nahhoden Wakwayadonse ne isekheh, jatkagthoh, raohhendoh ne Niyoh Yaghna dewake-nowenh.

21 Oghnakenkeh Eghyakhakewe ne jiye-nakeronnyon ne *Syria* ony *Cilicia*;

22 Neony yahtehongyentere-onh sane jikkonhsonde ne ji-nonkadyh no-nonghsadokenghdiokon ne *Judea* jinahhoden ony ne Keristus-neh:

23 Nok neok ne ronghronkaghs, Ne ne raonhha shonkwarihgwaghstennihaghkwe ne ji-nondaweghde nok nonwa shonkwaderighwaghnodonny ne deweghdaghkonh ne ne raonhha rorighwaghdondondhhatyeskwe. (ji-nahhe.)

24 Neony wahhonwanendon ne Niyoh niightserakonh.

CHAP. II.

Waghshakodokalen ji-o-nenh are Jerusalem shonsareghde, neony ji-naorihhoden waghoyadine: ne ne Titus arekho shikhoderighwakwarighsyonh: neony neneken akde ji-nahhayere Kwiter, neony waghoghrrory ji-nakarikhonny, oghniyutyerenh ne raonhha ony ne otyake, ne ne Jews-aka, tho-neghdaghkonne ne Keristustserakonh ne naonsahho-naderighwakwarisyaonh jideweghdaghkonh,

ETHONE kayeryh yawenre niyughserakeh oghnaken ken Wakeghde are *Jerusalem*-neh waakene *Barnabas*, nokhony ne *Titus* wahhihhawe o-nenne-eh.

2 Neony I-ih eghwakeghde wakerighwenhhawe ne ji-niyen-yawenne, ony ne wakheyaghronkade ne ro-nonhhakeh ne orighwadokenghdy ji-nahhoden Kheyaderighwaghnodonse kentyughkwakonh narekho deyakorighwiyughstonh, nok ky a-daghseghdonkeh ne ro-nonhhakeh ne ne yakoyanereese, onwa neken enjonke-ne-nyany okhoriwakon enwadon.

3 Nok yakhony ne *Titus*, raonhha yake-nene, *Greek* nahhayadoden, shokoghsteronghwighne ne nayerighwiyughste: